

潁上縣志卷一

知縣都寵錫重修

輿地 分野 疆域 沿革 水渠 古蹟

潁上居郡城之東其綱為次南界霍邱北通蒙城西北毗連阜太截長補短將方百里其地平衍無山陵險阻之固然考元和郡縣圖志號為中縣而唐書著為望宋史著為繁觀其控扼潁尾遠帶長淮東南則有沙關塞其隘實與壽州之正陽關相犄角亦淮北腹心之地江南一要邑也而水陸舟車尤一郡往來孔道非隔絕荒遠僻在遐隰者比則夫古今輿

潁上縣志

卷一 輿地

廢之故民生利病政治得失之源咸於是乎繫顧可忽而詳哉舊志沿革水渠考稽最為詳明茲復增入分野一門之疆域古蹟凡目五庶後來者咸有所稽不至汎濫無歸云分野

禹貢豫州域外方熊耳以至泗水陪尾天文心房分野星經

云玉衡第七星主豫 玉衡斗 九星也

漢豫州宋地房心之分 天官書云宋鄭之疆侯歲心占心房 北斗之分屬瑤光春秋緯文豫州屬

瑤光包氏云鉤 鈴星別為豫州

晉汝南入房二度

隋豫州在天官自氏五度至尾九度爲大火之次於辰在功
費直云起氏十一度一行云起氏一度爾雅云大火謂之大辰李巡云大火蒼龍心宿以候四時郭璞云大火心星在中
最弱故時
候生焉

唐太昊之墟爲亢分又云鎮星主嵩高山豫州
蔡邕云起亢八度五星主

鎮星經云五星之分野主嵩

宋天文志太微垣三台六星兩兩而居其西近文昌二星曰

上台爲司命上星主魂豫平星主荆揚
又云太微垣中魁第六爲開陽主豫論語

摘輔象云充豫屬

上台荆揚屬下台

元氏二度入宋分大火之次

潁上縣志

卷一 輿地

明房二度

國朝仍房二度

邑人高澤生風物紀陳劍樵曰潁上在亢二度

疆域

風上記襟帶長淮控扼陳蔡

王淮論南引荆汝東連三吳

翰墨全書淮水東流潁水西北來注之謂之潁口爲淮潁之

會

東西九十里

南北七十五里

週五百里

東至陳家壩四十里交鳳臺縣界

東南至西正陽七十里交壽州界自界首至壽州治六十里

至鳳嶺道理所二百里至兩江總督理所五百四十里

南至廟臺集二十五里交霍邱縣界自界首至霍邱治四十

五里至安徽布政使司五百七十五里

西南至濶河集四十里交霍邱縣界至南照集六十里交阜

陽霍邱二縣界

西至陳家大莊五十里交阜陽縣界

潁上縣志

卷一

輿地

三

西北至新集四十里板橋集六十里留陵集六十里五十里

鋪西九女墩五十四里俱交阜陽縣界自界首

九女墩至潁州

府治六十六里

北至蓮花寺界溝五十里交鳳臺縣界

東北至龔家集四十里巨魯集六十里俱交鳳臺縣界自界

首

巨魯集

至蒙城縣一百二十五里

由東北取徐州府路折而北達京二千里

由西北取開封府路達京二千三百里取歸德府路達京一

千九百里

沿革

周為慎邑屬楚國左傳魯哀公十六年吳人伐慎白公敗之

慎始見

按慎入楚之年不可考考楚滅蓼在文公五年城州來在昭公十九年滅胡在定公十五年胡在阜陽蓼

在霍邱州來在鳳臺三國蔽慎西東南二面其取慎在文公後可知通典慎白公勝封邑

秦為慎縣屬泗水郡史記楚世家負芻五年

秦始皇二十一年秦滅

楚名為楚郡註以為三郡楚有泗水慎縣屬之秦亡楚義帝

時屬西楚國

漢高祖初慎屬楚王韓信封邑信誅置汝南郡武德時置十

州刺史部慎屬豫州部汝南郡新莽改慎為慎治汝南為汝

潁上縣志

卷一 輿地

四

汾東漢復為汝南郡慎縣

季漢慎入魏屬同漢

晉武帝泰始初分汝南為汝陰惠帝時以汝陰分新蔡後省

汝陰入新蔡又分新蔡立汝陰永嘉之亂豫州陷入石趙為

揚州東晉永和五年復入晉仍為豫州汝陰郡慎並屬之

宋僑置樓煩令屬豫州刺史西汝陰太守其慎縣則僑置於

南汝陰郡

宋書州郡志註雁門舊縣流寓配屬蓋僑置也齊魏因之按宋書郡縣皆以官書之仍其文以見一

代之制

齊仍為樓煩屬同宋永元二年入元魏屬揚州郡未詳

梁爲下蔡縣即郡治樓煩縣宋縣下蔡樓煩二縣共爲下蔡郡

屬豫州宋縣屬汝陰弋陽二郡州未詳東魏以下蔡樓煩共

爲下蔡郡屬揚州宋屬穎州汝陰弋陽二郡北齊以下蔡樓

煩屬揚州汝陰郡

陳樓煩縣入於周屬揚州汝陰郡

隋大業二年置穎上縣屬豫州刺史部汝陰郡初廢郡以縣屬州大業初

復置郡縣仍屬焉

唐穎上縣屬河南道穎州汝陰郡武德四年改汝陰郡爲信州六年復爲汝陰郡乾元

中復改穎州縣並屬之

穎上縣志



卷一 輿地

梁唐晉漢周並屬河南道穎州汝陰郡

宋屬京西北路順昌府汝陰郡初爲穎州政和六年升爲順昌府紹興後沒

於金屬南京路穎州元光二年改屬壽春府壽州

元至元二年省縣入州後復置屬河南江北行省汝甯府穎

州

明屬南京鳳陽府穎州洪武二年以臨濠府爲中都府四年

穎州屬中都六年改中都爲中立府七年改中立爲鳳陽府

縣並屬焉

國朝順治初屬江南左布政使司鳳陽府穎州康熙元年設安

徽巡撫六年改左布政使司爲安徽布政使司雍正二年升
潁州爲直隸州十三年又升潁州府縣並屬之

沿革考一

禹貢豫州之文曰導荷澤被孟豬荷澤今山東荷澤縣孟豬
今河南虞城縣西孟豬澤徐州之文曰大野既豬大野今山
東鉅野縣周之徐州并於青州故周禮青州之文曰其數孟
豬其州淮泗是孟豬本徐州之域豫州之荷澤特導而被之
耳鉅野距潁上西北不下六百里虞城距潁上西北亦四百
里二縣並掩出潁上西二百餘里皆爲徐州之域潁何以獨

屬豫州且與徐州之界泰山南北相值與豫州之界禹貢黃
河之自修武北流者東西相距不下千里豫州東略雖廣恐
不及此元和郡縣志元豐九域志並以潁州爲禹貢豫州之
域地理家皆宗之豈犬牙之相錯耶抑自漢豫州而誤邇三
代耶地名沿革當自其可見者始故第卽周以後取而論之
沿革考二

春秋末大國卿大夫封地皆過於古諸侯楚地最廣淮北地
亦不啻千里其邑大夫小爲尹大爲公尹如沈尹戌之類所
司不過一邑大加蔡公棄疾以取國白公勝以亂楚葉公高

以救亂所慮皆國重任其封固不止一邑左傳哀公十六年杜註白公下汝陰襲信有白亭慎下註今汝陰慎縣凡註書家曰有者皆籍以取徵之辭非能盡其疆域諸史地理志歷可驗元凱豈謂白公所封止是乎文獻通考謂慎白公封邑以吳伐慎白公敗之理宜屬之白公而晉慎縣與襲信同郡其地近故也非與元凱相齟齬府志據元凱之註以駁通考謂白公不及此前志皆從之非定論也

沿革考三

左傳昭公十二年楚子狩於州來次於潁尾前志以州來潁

尾竝屬潁上按哀公二年蔡遷於州來州來自是爲下蔡後代因以爲縣水經淮水又北經山碛中爲之碛石註又北經下蔡城東本州來之城也唐書下蔡西北百二十里有大崇陂東北八十里有滎陂不言其南是碛石南無州來也昭公九年楚公子棄疾遷許於夷實城父取州來淮北之田以益之是州來之地北接城父也城父城在今亳州南七十里亳州去潁上西北三百六十里下蔡城在今壽州城北三十里碛石北五里屬鳳臺縣壽州去潁上東一百二十里州來壽州秋小國也既可北益城父其南界至壽州而極矣其西

雖無明文而五代史南唐世家昇元十五年周世宗徙下蔡
浮橋於渦口渦口在懷遠則下蔡東界距懷遠可知其地去
此亦三百餘里則其西亦當盡鳳臺而止何能跨有潁上潁
上東四十里而界鳳臺去下蔡城尙六十餘里北五十里而
界鳳臺去亳州之城父城幾三百里其與州來無與明矣第
以戰國時慎屬下蔡前志因誤書耳
前志秩官志誤入曹魏
下蔡長鄭渾本此正之
按史記甘茂下蔡人羅茂孫也舊志以鄭渾誤入並欲刪去
二甘不知渾旣實指爲下蔡長固不可混入潁上至二甘本
潁上人戰國時潁上屬下蔡故舉下蔡即可
該潁今下蔡不轄潁潁自得獨有二甘矣

沿革考四

潁上縣志

卷一

輿地

八

史記管夷吾潁上人也索隱註曰潁水名又曰漢有潁陽臨
潁二縣今有潁上舊志遂以史記以前未有以潁上名縣者
史遷所稱不過泛言潁水之上耳考潁上縣置於隋大業二
年隋去古未遠度置縣之始必以斯地爲仲虺生因取史記
潁上二字名之不然潁水自河南發源下迄潁口入淮數百
里間何地非潁上何在不可名縣而獨有取於此耶此固理
之顯而易見者也

沿革考五

史記之文以考三代則不足以徵秦漢則可據秦始皇本紀

十七年內史騰攻韓韓王盡納其地以其地爲郡命曰潁
二十三年秦王復召王翦強起之使將擊荆取陳以南至平
輿虜荆王秦王遊至郢陳楚世家負芻五年王翦蒙武滅楚
名爲楚郡負芻五年始皇二十四年也距滅韓七年之久平
輿漢汝南郡治今汝甯汝陽縣地郢卽楚世家考烈王二十
二年楚東徙壽春命曰郢者今壽州陳平輿與潁上相距三
四百里漢潁川卽秦潁川許鄆臨潁是其東境皆在陳西秦
置潁川陳尙屬楚何由及潁上乎晉書地理志謂漢分潁川
立淮陽郡淮陽與汝南鄰後代言地理者遂以潁州爲秦潁

潁上縣志

卷一 輿地

九

川考淮陽郡本淮陽王國卽陳舊地漢初爲韓信封地高祖
六年信徙淮陰淮陽尙無封十一年信與彭越並謀始封子

友爲淮陽王罷潁川以益之

見高祖本紀

後淮陽王徙梁乃以其

地爲郡

見漢興以來諸侯年表

由是觀之淮陽初爲王國先并潁川及

淮陽廢而爲郡潁川乃復判而爲二耳晉志蓋未釋審而云
分立耳非秦時之潁川已及淮陽也且彼固曰分潁川立淮
陽不曰立汝南也况潁上又汝南之極東相距尤遠者乎

前志

雜志誤入漢時潁州

詳異四條本此正之

沿革考六

潁上爲漢汝南郡昭昭也漢書地理志汝南不註秦何郡其
沛郡註曰秦泗水梁國曰秦碭郡晉書謂漢分梁沛立汝南
則漢汝南爲秦泗水碭郡之舊又昭昭也然漢書汝南郡註
高帝置當其時梁未嘗削地而晉書稱分梁沛何也按史記
項羽自立爲西楚霸王王九郡都彭城貨殖傳以沛汝南並
爲西楚羽亡韓信徙王其地秦楚之際月表以爲漢南四郡
陳丞相世家以陳爲楚西界及信徙淮陰荆王買楚王交分
其地荆得吳鄣東陽三郡楚得郢薛碭三郡而沛汝南不與
皆確有可徵由此觀之韓信初王項氏之地蓋其西不盡其

東至荆楚分封則又東益以吳鄣等郡而高帝汝南以西蓋
歸於漢不盡封也漢書謂汝南置於高祖是也高祖初封彭
越於魏越誅以其地封梁王恢惠文之間梁三易王而地不
改景帝時分濟川濟東山陽濟陰四國皆在梁北不與汝南
鄰武帝時削梁八城梁尚餘十城見前漢書者八碭留扞秋
蒙已氏虞下邑睢陽與沛三十七縣皆居汝南東北二域而
漢興諸侯年表景帝元年汝南淮陽二王同時並置次年淮
陽徙魯地爲郡汝南徙江都不言爲郡由此觀之汝南王初
封卽高帝時汝南郡初無梁沛之地既徙江都空其地至漢

帝時乃削梁城分沛地並舊地復立爲郡晉書之言亦是也
而仍無以辨其何者爲梁何者爲沛也因以梁國沛汝南二
郡合今之輿地而徧按之則梁之下邑爲今夏邑睢陽爲今
商邱蒙齒虞爲今考城虞城杼秋爲今蕭縣並在徐州歸德
之界居沛北與潁上遠惟睢陽與今亳州接耳沛之故邱芒
爲今永城經蕭村離竹相爲今宿州建城城父譙爲今亳州
鄆爲今鹿邑並在歸德徐州鳳陽潁州之界居梁南與潁上
近而下蔡爲今鳳臺山桑爲今蒙城尤爲犬牙相錯使汝南
無沛分地則已汝南有沃土之分於沛也南阻淮北隔梁必

不能越潁上而至他矣沛既爲秦泗水潁上獨非秦泗水乎
其汝南之分於梁者又何也淮陽梁王之封同出一時後世
謂皆彭越地其實淮陽非越地也然淮陽一城郡國三更文
景之間梁親而有功孝王都睢陽漢興以來諸侯年表註彭越都淮陽乃睢陽之謬淮陽當越時屬薛信築東苑方三百里則淮陽有時爲梁也固宜史記
所謂削八城晉書所爲分立其卽淮陽之地陳州之東光州
之北漢汝南原鹿沈項諸縣是也

沿革考七

史記秦楚之際月表楚謂義帝熊心故首書曰義帝某月項

羽分封諸侯雖擅其權霸王之號則仍以方伯自處義帝爲其主也近地理家述沿革者或以西楚厠秦漢之間潁上亦西楚之地不能越之今書西楚如漢志某州刺史部之例以義帝爲主而附註秦後

沿革考八

前後漢書汝南郡下並有慎陽慎二縣前漢書慎陽縣註師古曰慎字本作滇音真後誤爲慎耳今猶有真印真陽縣並單作真知其音不改也史記功臣年表慎陽侯註如澶日音震閩駟曰合作滇陽永平五年失印更刻遂誤以水爲心續

潁上縣志

卷一 輿地

十三

漢書作須陽也晉書慎陽屬汝南郡慎屬汝陰郡已爲二宋書南齊書魏書唐書以至明史並作真陽真陽即今河南甯府正陽縣因敬避

憲皇帝廟諱下一字右畔改真爲正與直隸真定府改爲正定府同也水經註慎水出慎陽縣西而東經慎陽縣南又鴻陂水下合慎水而東逕息城息卽今光州息縣與正陽相毗明史真陽縣東北有滇水卽道元謂之慎水是也慎陽與慎地距四百餘里音亦異讀前志特以漢書二縣連書遂謂潁上兼有其地魏無地志而亦相沿書之如之何其可

前志秩官志誤入慎陽侯樂說

慎陽長劉陶本此正之按黃憲後漢書稱爲慎陽人雖未實指爲慎縣而穎上有黃溝黃徵君故居爲憲所生之地相傳已久風物紀云後漢書荀淑穎川穎陰人穎州鄉賢荀黃並祀以漢書穎川有淑至慎陽過憲於逆旅之言觀之則淑穎州而憲穎上無疑廣輿記以憲入汝甯府不足據觀此當未可與樂劉例論

沿革考九

地志有沿革志地非志代也故地有更名別紀之其出於何人不計也新蔡竊漢祚變置天下郡縣汝南爲汝涑慎爲慎治後漢書地理志註詳之前志缺如今並附焉

沿革考十

魏志景初二年以沛國蕭相竹邑苻離蘄鍾龍亢山桑浚虹

穎上縣志

卷一 輿地

十三

十縣爲汝陰郡未嘗及汝南之慎舊志謂分汝南爲汝陰以慎屬之蓋以晉名臆魏制也晉武帝分汝南爲汝陰惠帝又分汝陰立新蔡成帝省汝陰入新蔡後復分汝陰

見宋州慎郡志

並屬之前志遺隸新蔡是又述晉志而遺之也並據史正之

沿革考十一

晉永嘉時石勒寇豫州至江而還殺汝陰王熙永昌元年陷城父圍譙豫州刺史祖約退保壽陽太甯三年勒盡陷司豫兗三州之地咸和中約畔降勒於是僑立豫州江淮之間汝陰太守慎令並置於合肥宋志所稱南汝陰郡爲江左立是

也永和元年豫州刺史路永又畔爲石季龍將屯壽春晉志所謂淮南入北是也此時汝陰舊慎歸石氏明矣五年石遵揚州刺史王浹以壽陽降晉復漸有淮北隆和元年豫州刺史袁真自汝南退鎮壽春太和四年真以壽陽叛亂及陳國汝南五年苻鑿救真子瑾於壽陽屯兵慎城次年桓溫克壽陽太元七年苻堅將苻融陷壽春謝元敗堅於合肥堅乃還自王浹來降終晉之世斯邑隨壽陽爲安危屢經叛據而名爲晉有石氏雖僭號史家未嘗入帝統故附註如新莽之例沿革考十二

潁上縣志



卷一 輿地

宋書州郡志南豫州南汝陰郡江州南新蔡郡皆有慎令並屬僑置其豫州之汝陰太守魏晉本郡也有汝陰宋安城樓煩四令而獨無慎又南豫州有西汝陰郡屬縣皆同註永初郡國無此郡按宋書高祖本紀永初三年立淮西諸郡爲豫州淮東爲南豫州南豫在淮東宜其無此郡也至泰始二年已失淮西汝陰獨存朋帝本紀泰始三年書索虜寇汝陰太守張景遠擊破之是其徵也此時汝陰未能獨立一州故合於南豫州耳西汝陰之名當自此始非與汝陰爲二郡也故州郡志註曰別見今府志以樓煩爲潁上舊志從之蓋以宋

今太安城晉書屬汝陰今阜蔽其西北南界淮東限於壽春

而既無慎縣其地不應懸之定為樓煩說當不誤也慎之名

自此移於合肥至趙宋改梁縣皆與潁上無與前志秩官志誤入元魏慎

伯王世弼北齊慎令樊子蓋趙宋慎縣主簿萬道選舉志誤入後五代張崇本此正之

沿革考十三

元魏皇興元年宋泰始二年已有宋淮北四州及豫州淮北之地

而未克汝陰以宋豫州刺史劉劭據壽陽也故兵敗於張超

即景遠至景明元年齊永元二年齊豫州刺史裴叔業以壽陽降魏

置四萬人守之以次拔淮南諸城於是汝陰一郡全歸於魏

潁上縣志

卷一 輿地

隸揚州刺史終齊之世不復入南

沿革考十四

梁晉通六年魏孝昌三年豫州刺史裴邃拔魏新蔡郡克鄭城

年魏武泰元年郢州刺史原一作元樹攻壽陽魏揚州刺史李憲以

城降置豫州於壽陽裴邃所領豫州在合肥合肥為南豫州太清元年

魏武定五年魏司徒侯景以十三州內屬改壽陽為南豫州懸瓠

為豫州項城為殷州此時汝陰宜歸梁而梁書無明文為何

州何郡隋書潁上縣註梁置下蔡郡後齊廢則判潁上於汝

陰且隸東魏而皆然也梁無地志其置郡名多見於魏收魏

書而魏書地形志有三下蔡郡其隸南兖州領四縣爲一郡者置於太和十九年齊建武二年非梁置明矣其隸譙州領黃城

淝陽二縣爲一郡者武定六年改梁潁州郡所置非梁置之

下蔡亦明矣惟隸揚州領下蔡樓煩二縣者不註何年置總

於揚州下註曰孝昌中陷武定中復揚州卽南朝豫州也且

其同隸揚州之新蔡郡新蔡縣註有大蘇山在今河南商城

淮南郡之壽春縣註有蒼陵城在今鳳陽鳳臺汝陰縣註有

揚泉城在今霍邱潁州郡之許昌縣註有硤石山亦在鳳陽

鳳臺繞潁上東西南三面而皆合北齊書堯雄傳所記以是育寶爲揚州刺史治城

潁上縣志



卷一 輿地

蓋東魏所謂北揚州者亦可以旁徵矣則此下蔡爲潁上無可考其爲梁置亦

無可疑矣其新蔡卽裴邃晉通六年之所拔也遠克鄭城時

元樹尙未克壽陽梁未得汝陰全地故以潁上而獨立爲郡

潁上不屬汝陰自此始而終於高齊故此邑在梁當日豫州

下蔡郡在東魏當日揚州下蔡郡且兼有下蔡樓煩也其西南有

宋縣詳考十六前志以爲南兖州之下蔡郡誤矣

沿革考十五

潁上之由梁入魏也梁魏書無明文隋書謂梁置下蔡郡至

後齊廢齊不能受之梁則其復入魏也明矣武定七年慕容

紹宗敗侯景於渦陽追至壽春梁殷州豫州刺史皆棄城走
是歲梁亂魏書稱諸州郡之復立在此年則下蔡郡入於此
時可知通鑑綱目戊辰八月東魏遣兵略地江淮取二十三
州註武定六年與此少異

沿革考十六

魏志又有三汝陰郡讀者疑其有潁上也因竝考之其北揚
州之汝陰郡註太和十八年爲東郢州後置

原文二其屬縣
字爲句

有宋註爲漢新郟蓋南至太和而止興十九年所置南兖州
之下蔡郡相先後其時裴叔業未降魏不能有潁上也其南

潁上縣志

卷一 輿地

十七

定州之汝陰郡領汝陰一縣蓋裴遼克鄭城梁置下蔡郡時
魏已失樓煩故但餘汝陰一縣爲一郡也其潁州之汝陰弋
陽二郡註爲梁置魏因之者乃梁旣置下蔡郡又得汝陰之
所置也其宋縣下註有荆亭城在今潁上西南南照集北則
梁置下蔡郡時尙未盡得潁上之地而又得之以置宋也此
宋實跨潁上阜陽之間非在太和之宋矣故並取焉非敢臆
斷也北齊時陳吳明徹已拔壽陽而齊兵再至潁口此時潁
上不隨壽州爲去留矣

沿革考十七